

## **Oqaluuserisassanut nassuiaat.**

(Inatsisartut Siulittaasuut)

Inatsisinut Ataatsimiititaliaq immikkoortup 47-p ataatsimiinnerup naalerneranut kinguartinneqarnissaanik qinnuteqarpoq.

Immikkoortup 47-p qulequtaraa: Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allangortinneqarnissaat pillugu inatsisissatut siunnersuummut (Tarnikkut nakuuserfigineqarneq pillugu aalajangersagaq immikkoortoq) aamma Pillaasarnermik inatsisip allangortinneqarnerata ilaanik aamma inatsisit assigiinngitsut allat Kalaallit Nunaannut atuutilersinnissaat pillugu peqqussummut missingiut pillugu Kalaallit Nunaanni Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut.

Immikkoortup ulloq 31. maj suliarineqarnissaa siunnersuutigineqarpoq.

Inatsisinut Ataatsimiititaliaq immikkoortup 115-ip UKA2023-mut kinguartinneqarnissaanik qinnuteqarpoq.

Immikkoortup 115-ip qulequtaraa: Inatsisartunut aaliangigassiaralugu siunnersuut; Naalackersuisut pisussaaffilerneqassasut naalagaaffimmi oqartussaasunut piunasaqaateqassasut Kalaallit Danskit Nunaanni inuiattut ikinnerussuteqartut akuerineqarnissaat, tassani tunngavigineqassaaq Inuiaat Ikinnerussuteqarneranut isumaqatigiissut (FCNM) aammalu Europami oqaatsit aaliangersimasut imaluunniit inuiaat ikinnerussuteqartut oqaaserisamikkut ikinnerussuteqarnerannut angerfigeqatigiissut (Sprogpagten).

Nunanut Allanut Sillimaniarnermullu Ataatsimiititaliaq immikkoortup 57-ip aappassaaneerineqarnissaata 24. majimit 25. majimut kinguartinneqarnissaanik qinnuteqarpoq. Immikkoortup 57-ip qulequtaraa: Kunngearfiup Danmarkip Naalackersuisut peqatigalugit Canadap naalackersuisuinik ulloq 14. juni 2022-imi Kalaallit Nunaata Canadallu akornanni imaani killeqarfimmik nunamilu killeqarfimmik Kalaallit Nunaata isumaqatigiissuteqarnerataatuutsilersinnissaa pillugu Inatsisartut aalajangiiffigisassaattut siunnersuut.

Immikkoortunut 57-imut 58-imullu isumaliutissiissutit tunniunneqarnissaannut akunnernik sisamanik kingusinnerusukkut tunniussisinnanissaminik ataatsimiititaliaq qinnuteqarpoq.

Immikkoortup 49-p aappassaaneerineqarnissaa marlungornermut ulloq 23. majimut kinguartinneqarpoq. Pingajussaaneerinninnissaq taamaattumik ullormut 31. majimut aamma kinguartittariaqarpoq.

Immikkoortup 49-p qulequtaraa: Uunga siunnersuut Aatsitassanut tunngasunik suliaqarneq pillugu Inatsisartut inatsisaat.

**Taasisarnerit pillugit uku akornanni isumaqatigiissuteqartoqarpoq:**

Jens Kristian Therkelsen, Siumut aamma Bjørk Lange Kristensen, Demokraatit.